

- b) podjela rada i specijalizacija proizvodnje između novoizgrađenih velikih modernih mljekarskih pogona. Svaštarenje i proizvodnja »svi — sve« mora se odmah napustiti. Jednolična proizvodnja kroz cijelu godinu;
- c) fuzija više mljekarskih pogona u jedno poduzeće s jednom upravom. Koncentracija proizvodnje i administracije.

Priprema projekta racionalizacije traži brižljivo planiranje što treba da radi Zavod za naučno - mljekarska istraživanja u suradnji s raznim mljekarskim institutima, kao i stručnjacima iz prakse. Poboljšanje strukture mljekarske industrije treba da je pomognuto od nadležnih organa vlasti. Istovremeno mora se prići i reformi poslovne evidencije u mljekarama i uvođenju novog ekonomskog sistema obračuna i praćenja evidencije svakodnevne proizvodnje, jer je postojeća zastarjela. Cilj je da intervencije (državne subvencije, zaštitne cijene) u mljekarskoj industriji otpadnu, te da to bude samostalna potpuno ekonomična industrija, a time se potiče racionalizacija i modernizacija mljekarske proizvodnje.

Agrarna politika koja pokušava cijene i količine korigirati, a da uz to ne poboljša ili ne zahvati odlučno u postojeće uvjete proizvodnje te da ih ne riješi i mijenja, odnosno koja ta saznanja mimoilazi, nanosi poljoprivredi velike štete.

Vijesti

MEĐUNARODNI SIMPOZIJ O GOVEDARSTVU

Međunarodni simpozij o govedarstvu održan je u Zagrebu od 18. do 22. XII 1969. Na osnovu rezultata istraživanja iznesenih u 56 naučnih radova i 15 studija naših istaknutih stručnjaka i učešća 14 naučnih radnika Evrope utvrđeno je slijedeće:

I Stanje govedarske proizvodnje i uvjeti koji je determiniraju

1. broj goveda u Hrvatskoj smanjuje se, ali kriza tek predstoji, jer je 77% starih krava umjesto 30%, a krava u prvoj laktaciji ima svega 5,4%, tako da nakon izlučenja starih krava neće biti zamjene;
2. smanjenje proizvodnih kapaciteta nadoknađuje se selekcijom sa svega 10—15%. Selekcija nije efikasna, jer nema čvrstu materijalnu osnovu i što je najefikasnija tehnika selekcije izvan kompetencije selekcijske službe;
3. nauka o govedarstvu je zapostavljena;
4. zbog smanjenja broja goveda snizuje se dohodak poljoprivrednika i dolazi do ekstenziviranja poljoprivredne proizvodnje.

II Uzroci stanja govedarske proizvodnje

1. rentabilnost govedarske proizvodnje se bitno pogoršala;
2. nije osiguran dugoročni plasman govedarskih proizvoda;
3. nema uvjeta za primjenu kompleksne i kompletne tehnologije premda su one potpuno poznate;
4. nema materijalne osnove za selekciju;
5. kreditna je politika nepovoljna i djeluje negativno kao i današnja politika cijena;